

Margriete ende Cathelijne van Roon min dochters. Gott laetse in deuchden opwassen.

Anno 1570 opten iij^{en} Junij wesende ein Zaterdag is geboren te Vollenhoe tusschen zes ende zeven uren tsavons, Johanna van Roon ende worde den ven desselfs maents ten doepe gebracht; ende die peeter was mein vetter Pieter van Duvelant, heer van Roon ende van Pendrecht ende gaff te pillegghift die swaendrift opte Roonsche hooden aen Valckenstain ende die meeter was Joncvrouwe Margriet van Roon, mijn dochter. Ende Saterdaghs tsavons ontrent ellif uren wesende de v^o. Augusti desselbs jaer 1570 is van den camerganek gestorven.

In margine: Leyt begraven bij Phls. van Roon haer broeder.

IV.

Item Raes van Grave zoene wijlen Pieter van Grave, die hij hadde bij Joncvrouwe Agniete van Bourchove, was geboeren a^o xiii^e xxxvij den xxi^{en} dach van Februarius op sinte Pieters dach.

Item a^o xiii^e lv zoe sterf Henrick van Bourchove, Raes van Grave moeders broeder.

Item heer Augustijn van den Bourchove, Ridder ende Joncvr. Machtelt vanden Bourchove.

Item a^o xiii^e lxxv opden vij^{en} dach van Loymaent op eenen versoren Maendach sterf Heyndrick vanden Borchoven, Joncvr. Jenekes van den Borchoven vaeder.

Item int Jaer xiii^e lxiiij den v^{en} dach van December op Sinte Nicolaes dach op eenen disendach soe sterf Pieter van Grave Raes van Graven vader.

Item Joncvr. Agniete van den Borchove Peeters van Grave huysvr. ende moeder van Raes van Grave die sterf int jaer xiii^e lxxviiij den xvij^{en} dach van December op Sinte Lasari dach op eenen Donderdach; ende leggen begraven te Loeven voir onser Liever Vrouwen outaer in S^{te} Machiels Kercke.

Item a^o xiii^e lxvij den ix dach van Braesmaent oft Junuis op eenen Disendach soe troude Raes van Grave Joncvr. Elizabeth van Sinte Guericx ende hadden tsamen deze naevolgende kinderen.

Claes van Grave was geboren a^o xiii^e lxix, xvj dach in April die op eenen Sondach lach. Ende heer Anthonis van Waelheyn, heer Claes van Sinte Guericx ende die Joncvr. van Duffele waeren peters ende peten (1). Mijn heer van Waalheyn gaff eenen zilveren croes, heer Claes vj Postulaers gulden, mijn vrouwe vj lichte gulden, die Joncvr. van Duffele iij lichte gulden. Item de voersz. Claes van Grave troude Joncvr. Margriete Vincx int jaer xiii^e xc den xx dach van Junio op eenen Sondach ende hadden veel kinderen tsamen, als heer Raes van Grave, Canonic tot Loeven, mr. Adriaen van Grave, Raidt Ord^s in Brabant, Cornelis van grave, scepen van Loeven, Joncvr. Catherine, Religieuze opde Halfstrate te Loeven, Joncvr. Margriete, Religieuze te Gempe buyten Loeven ende Joncvr. Anne, Religieuze te Witter vrouwen binnen Loeven, ende heer Pieter van Grave, proost tot Aerschot.

Item int jaer xiii^e lxx, xvij daghe in Enemaent op S^{te} Lambrechts dach (2) op eenen Maendach was

geboren Lambrecht van Grave ende Jan vander Borch, her Vrancke Sgreven priester ende die Joncvrouwe Kersmekers ende die Joncvr. van Bausele onze moye waren peters ende peten. Jan vander Borch gaff een Wilhelmus schilt, her vranke $\frac{1}{2}$ schilt 1 S. de Joncvr. Skarsmekers een oude croone, die Joncvr. van Bausele ij lichte gulden iij S.; hij sterf, doen hij kersten gedaen was.

Item Pieter van Grave was geboren int jaer xiii^e lxxij in Junio op Sinte Pieters avont ende Roeloff van Berthem, Gorijns van Sinte Pieters, die Joncvr. van den Tympele, onse moye van Bruessele waren peters ende peten: hij sterf op Sinte Lambrechts avont ende Roeloff van Berthem gaff xx S. Goris van S^{te} Pieters een gouden croon, die Joncvr. vanden Tympelle ij Postulatus gulden ende onse moye twee gouden Peckers.

Item Jan van Grave was geboren a^o xiii^e lxxiiij, xvij daghe in Louwmaent op eenen Disendach; Mr. Jan Papenhove, her Jan Pijnnoch, mijn vrouwe van der Borchoven, die Joncvr. van S^{te} Pieter waeren peters ende peten. Papenhove gaff eenen ducaet ij Sch, Pijnnoch twee Postulatus gulden, mijn vrouwe 1 Postulatus gulden en Joncvr. van S^{te} Pieters ij lichte gulden. Dese Jan was religieulx int clooster te Vlierbeke bij Loeven ende störf prier a^o xv^e xxvj opden Assencie dach.

In margine: ende worde geleet den vijen dach van Junio smiddags in de Pinxen daighe a^o xiii^e ende xcvi; ende hij dede profestie a^o xcvi den xj dach van Julio.

Item int Jaer xiii^e lxxv op Sinte Corijns dach, die op een Sondach lach, zoe was geboeren Raes van Grave. Peters en peten waeren Reynier Wijffliet, Maerten van Opendorp, Joncvr. van der Linden, Joncvr. Vincx. Wijffliet gaff 1 postulatus gulden. Maerten 1 gulden Peter, de Joncvr. van der Linden ij lichte gulden, die Joncvr. Vincx 1 phls. Schilt. Deze Raes was religieulx Sinte Gheertruyden ende proost tot Aerschot ende sterf a^o. xv^e xxviiij op Alderkinderen dach te Kersmisse. Ende hadde drie kinderen: Pieterken, die Sint truyen sterf, ende Marijken ende Lijsken waeren bij den heer van Roon in Hollandt vuytghelijckt.

In margine: ende werdde geleet te Loven S^{te} Gheertruy dach op den xxiiij^{en} dach van Maerte op een Disendach a^o xiii^e ende xc, ende hij dede professie a^o xcj, xxvj daghe in Meerte.

Item a^o xiii^e lxxix dede Raes van Grave den eedt van Sinte Pieters manscape opden xvj dach van Januarius.

Item a^o xiii^e lxxv na costume van Luycke den v daghe in Looymaent op eenen woensdach was geboren Joncvr. Anna van Grave, ende mijn heer van Percke, mijn nichte van Graven ende mijn nichte Remeys waeren peters ende peten. Mijn heer van Percke gaff 1 Andries gulden, 1 gulden peter 1 phls schilt 1 lichte gulden, mijn nichte van graven 1 gouden leuwe, mijn nichte Remeys ij Beynerts gulden. Deze joncvr. Anna heeft getrouwt Pieter van Roon, heer van Roon ende van Pendrecht, ende hebben tsamen veel kinderen.

Item int jaer van lxxvij, vij dach inden Mey op den Maendach zoe toech ic, Raes van Graven met mijn heer van Camerijcke, biscop Heyndric van Berghen ten heylighen grave. Ende ic quam over Sinter Claes ende Nosterbaren ende te Napels ende over Romen thuis,

(1) Dit moet beteekenen meter; ook later komt peter voor meter voor.

(2) 17 September.